

## 2 Samuel

### Intäjukun Äma Devit unitäño Manbiñam

## 11

*2 Samuel 11:26-27*

*Devit äma kubä täño webeni kubo täwänpäj Profet Natantä kañ-yäñkuk*

<sup>26</sup> Uria webenitä äpi u kumäntak yäj biñam nadänkañ konäm butewaki täñkuk.

<sup>27</sup> Täñpäñ kupämta it yäpmäj kuñtäyon täreñirän Devittä epän ämaniye yäwet-pewän yäjikñat yäpmäj eñini gänäñ pewä Devittä webenita yäpuk. Yäpäñkañ nanak ämani kubä bäyañ imiñkuk. Devittä kudän ude täñirän Yawetä kawän nämo tägañkuk.

## 12

*2 Samuel 12:1-15*

<sup>1</sup> \* Täñpäkañ Yawetä Natan Devitken iwerän kuñkuk. Päñku ñode iwetkuk; Yotpärare kubäken äma yarä itkumän. Kubäwä tuñum äma, kubäwä äma jäwäri.

<sup>2</sup> Tuñum äma uwä sipsip bulimakau bumta it imiñkuñ.

<sup>3</sup> Täñ äma jäwäri uwä sipsip webeni tepi kubägän nanakipäj, moneñ peñpäñ yäpuko unitägän itkuk. Täñpäñ watäni irirän inikät nanakiyekät bok pat

---

\* **12:1:** Sam 51

tänkuṅ. Ketem mähemitä nak tänkuko ugänpän moräki nak tänkuk. Ba mähemitä ume gwetpän nak tänkuko ugänpän nak tänkuk. Tänpän däpmon patpat uwä, kupänjikengän pat tänkuk. U iniken äperi ude it imiṅkuk.

<sup>4</sup>Tänpäkaṅ tuṅum äma uken noripaki kubä kome kubäken nanik äbänjirän, tuṅum äma u iniken sip-sip ba bulimakau kubä yäpmänpän äma unita ijin imikta bitnänpän äma jäwäri unitäṅo sipsip webeni tepi kubägän u pänku yäpmänpän noripaki äbuko unita utpän ijin imiṅkuk.

<sup>5</sup>Devit man ude nadänpän tuṅum äma unita koki wawäpän Natan iwetkuk; Yawe irit mähemi täṅo wäpi terak ṅode yänkehärom täyat; Äma kudän ṅo tänkuko u kumäkta biṅam!

<sup>6</sup>Tänpän äma jäwärita butewaki nämo nadän imiṅpän imaka ude täṅ imiṅkuko unita kubätagän kowata sipsip yaräbok-yaräbok kaṅ imän yäk.

<sup>7</sup>Ude iweränä Natantä Devit ṅode iwetkuk; Äma uwä gäk ubayän! Yawe, Isrel ämawebe täṅo Anutu unitä ṅode yäyak; Näk Isrel äbot täṅo intäjukun äma ude gepmanpän ume gakṅi piṅ gäbatkut. Ba Soltä iwan täṅ gamiṅjirän u keriken nanik yomägakut yäk.

<sup>8</sup>Tänpän Sol täṅo tuṅumi gamiṅkut, ba unitäṅo webeniye gamiṅ moreṅkut. Tänpän Isrel ba Juda äbot gäkä intäjukun it yämikta ketka terak yepmankut. Täṅkaṅ imaka u ba unitä gäripka nämo däpmän tärenkuk yäwänä ätukät yäpurärätpän gamam.

<sup>9</sup>Unita gäk imata Yawe näkṅo man nadäwi äpani tänpäpän imaka näkä nadäwa waki täk täyak u

tänjkun? Gäk Uria Hitai nanik u kumäñ-kumäñ utkun. Amon äma äbot keriken peñiri Uria urirä webeni yäpmanjiri webeka ude tänjkuk.

10 Unita ket nadäsi. Gäk näka nadäwi äpani täñpöpäñ Hitai äma Uria unitäño webeni gäkñata koreñkuno unita nägät moräkayetä ämik terak api kumäk täneñ.

11 \* Täñpöpäñ Yawetä ñode yäyak; Nadätan? Gäkña äbotken naniktä iwan api täñ gamineñ. Ba da-punka terak webekaye yäpmanjöpäñ nägät moräkka kubäta iminjira kepma käronj webekayekät api pätnen.

12 Imaka u käbop tänjkunopäñ näkäwä kwawa pähap Isrel äbot injamiken api täñpet.

13 Ude yäwänä Devittä Natan ñode iwetkuk; Näk waki tänjkuro uwä Yaweken momi tänjkut. Ude yäwänä Natantä iwetkuk; Yawetä momika peyak. Gäk nämo api kumben.

14 Upäñkañ gäkña imaka ude täñpöpäñ Yawe täño iwaniyetä wäpi iniñ täwetta täwit yäminjkuno unita ironji bäyañkumäno u api kumbek.

15 Täñpäkañ Natantä man ude iwet moreñpen eniniken kuñirän eruk Yawetä nadäñirän nanak Uria täño webenitä Devitta bäyañ iminjukoko u käyäm waki kubä tänjkuk.

---

\* 12:11: 2Sml 16:22

**Anutu Täño Man**  
**The New Testament and portions of the Old Testament**  
**in the Tuma-Irumu Language of Papua New Guinea**  
**Nupela Testamen na sampela Olpela Testamen long**  
**long tokples Tuma-Irumu long Niugini**

copyright © 1997, 2011 Wycliffe Bible Translators, Inc.

Language: Tuma-Irumu

Translation by: Wycliffe Bible Translators

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2016-09-20

---

PDF generated using Haiola and XeLaTeX on 18 Apr 2025 from source files dated 31 Aug 2023

914cbf46-f59a-54d1-b209-0f763534edb5